



"Vertel en Leef die Goeie Nuus"



PREDIKANTE

Ds. Anton Dednam
060 996 7291
anton@gkrietvallei.co.za
(Wyke met gelyke nrs.)

Ds. Danie Potgieter
072 272 9631
danie@gkrietvallei.co.za
(Wyke met ongelyke nrs.)

SKRIBA
Oudl. Klaas Steyn
071 471 4930
skriba@gkrietvallei.co.za

DIAKONIE
Diak. Annamarie
van der Merwe
083 264 0328
avdm2@mweb.co.za

SUSTERS
gkrietvalleisusters
@gmail.com

FINANSIES
Br. Titus v Aswegen
012 347 7362
fin@gkrietvallei.co.za

ADMINISTRASIE
Diak. Karen de Lange
012 347 7362
admin@gkrietvallei.co.za

KOSTER
Br. Pieter Hoffman
012 345 2249 /
082 898 2330

ORRELIS
Sr. Christine v Helden
072 658 5664
christine@realaccounting
.co.za

ELJADA
eljada@gkrietvallei.co.za

*Laat julle lig so voor die mense skyn,
sodat hulle julle goeie werke kan sien en
julle Vader wat in die hemele is, kan
verheerlik. (Matt. 5:16 – 2020)*

14 Januarie 2024

WOORDBEDIENING

OGGENDDIENS om 9:15

Ps 81: 1, 2, 4. SB 15-7: 4, 5, 6. Ps 45: 9, 10, 14, 16. SB 7-2: 1, 2.

Skriflesing: Hosea 1:1-12 Teksvers: Hosea 1:10-12 (2020 vertaling)

Tema: Kinders van die lewende God!

Die gebroke huwelik.

Hosea kry by die Here 'n baie vreemde opdrag: 'Gaan trou met die prostitueut Gomer.' Die rede? Dit beeld die verhouding van die Here met die volk uit.

Die volk is godsdiestig ontrou aan die Here. Net soos 'n prostitueut wat ontrou is. In die Nuwe Testament kry ons ook die beeld van 'n bruilof tussen Christus as die bruidegom en die kerk as die bruid. Hoe lyk hierdie huwelik vandag? Is ons nie ook maar besig om ontrou te wees nie?

Niemand wil 'n prostitueut genoem word nie, maar as jy ontrou is - nie jou vertroue alleen in Christus stel nie - die Here verruil vir ander afgode, dan is jy nie beter as een nie.

Wanneer 'n vrou ontrou is, verbeur sy sekere regte en voorregte van haar man, sy is nie meer geregtig op die versorging en beskerming wat sy ontvang het nie. So noem die Here deur Hosea dat sy volk, sy bruid, nie meer sy eiendom is nie, dat hulle genade ontvang het, maar dit nie meer gaan ontvang nie. Daarom word die kinders (wat heel moontlik nie eers Hosea se eie was nie) genoem Jisreel (God saai) Lo-Ammi (Nie-my-volk) en Lo-Rugama (sonder-ontferming).

Die Here bly getrou en maak ons nogtans kinders van die lewende God!

Die wonderlike is egter dat die Here getrou bly, sy beloftes gestand doen. Selfs in 'n ontroue huwelik - waar Hy die reg het om van die ontrou bruid te skei - bly Hy getrou

Alhoewel Israel self nie geluister het en teruggekeer het nie, maak die Here vir Hom 'n nuwe volk bymekaar, 'n volk uit alle nasies en tale. Dan verander die name van die kinders en kry hulle nuwe betekenis. God saai, nie verderf nie, maar uitverkiesende liefde! Nie meer langer Nie-my-volk nie, maar My volk vir altyd!

WOORDBEDIENING

AANDDIENS om 18:00

Psalm 34:1,2,4,6.

Lied 293:1,2,3.

Psalm 149:1,2.

Skriflesing: Markus 10:13-16 en Matteus 18:1-5

"Dit verseker Ek julle: As julle nie verander en soos kindertjies word nie, sal julle beslis nie in die koninkryk van die hemel kom nie. 4Wie homself gering ag soos hierdie kindjie, hy is die belangrikste in die koninkryk van die hemel. 5En wie so 'n kindjie in my Naam ontvang, ontvang My."

Matteus 18:3-4. (1983 vertaling)

Tema: Verander en word soos kindertjies!

Wie is die belangrikste?

Die dissipels van Jesus stry onder mekaar: Wie is die belangrikste in die koninkryk van die hemel?

Hoe kan hulle so iets vra? Doen ons dit nie ook nie? Dalk nie altyd deur ons vrae nie, maar ons optrede.

Vra eerder of die koninkryk van God nog vir ons die belangrikste is!

Verander soos kindertjies

Jesus bring 'n kindjie tussen die dissipels. 'n Kindjie wat nijs gedoen het nie, wat verleë en skaam daar staan. Jesus gee die opdrag: Julle moet verander en soos hierdie kindjie word.

Verandering moet plaasvind. Ja, ons moet nederig wees soos 'n kindjie en dan moet ons ook vertrou soos 'n kindjie.

Ons moet met oorgawe en vertroue leef!

Leef soos kinders van die Here

"Wie so 'n kindjie in my Naam ontvang, ontvang My." Ontvang mekaar asof ons Jesus Christus ontvang.

Hanteer mekaar met dieselfde eerbied en respek. Jy moet nog verander in jou lewe, ja, as gemeente moet ons ook verander en lewe as kinders van die Here!

Die Heilige Gees maak ons kinders van die Here! Weg met ons hoogmoed - verleë omdat ons nijs verdien nie, net uit God se genade leef!



Meelewing

Verjaardae

BAIE GELUK

Saam met elke lidmaat wat hierdie week verjaar, dank ons die Here vir nog 'n geseënde lewensjaar.

Ds. Anton het op 9 Januarie verjaar. Ons is saam met hom dankbaar vir die gawes wat die Here aan hom skenk en wat hy met soveel ywer in sy dienswerk in Rietvallei gebruik. Ons bid hom, saam met Innecke en die kinders, die Here se seën vir hierdie nuwe lewensjaar toe.

Geeneen van ons senior lidmate, ouer as 80, verjaar hierdie week nie.

Mag al ons lidmate wat gedurende hierdie week verjaar deur die Here geseën word met 'n vreugdevolle en gesonde nuwe lewensjaar.

"Mag Hy aan u gee wat u hart verlang, en elkeen van u planne laat slaag".

Ps. 20: 5

BAIE DANKIE

Lieve gemeente

Ons wil met oopregte waardering vir elkeen wat 'n skenking aan ons behoeftelik gemaak het dankie sê. Ons harte loop oor van dankbaarheid.
Groete Sustersbestuur.

Die volgende lidmate word aan die sorg van ons Here opgedra:

- Sr. Emerentia Venter (D21) is uit die hospitaal ontslaan en word tuis versorg.
- Sr. Hanny van der Walt (D09) se gesondheid het verswak en is na die versorgingsoord by Bronberg oord oorgeplaas.
- Sr. Karen de Lange (A26) herstel tuis nadat sy in Desember 'n handoperasie ondergaan het.
- Br. Regardt Cornelius (D13), die seun van Anadia Cornelius, het in Kloof-hospitaal behandeling vir 'n rugbesering ontvang.
- Oudl. Deon en Diak. Annamarie Venter (D03) se kleinseun, Joshua, ontvang hospitaalbehandeling.
- Br. Innes Potgieter (A36) se oma word tuis versorg na hospitaal-behandeling in Kloof-hospitaal.
- Sr. Sophia Thompson (D37) is in Wilgers opgeneem vir behandeling.
- Sr. Rika Clopper (D37) het 'n beenbesering opgedoen en ontvang behandeling.
- Br. Andrew Hearn (A26) ontvang chemo behandeling
- Diak. Marco de Bruyn (A26) se moeder is terminaal siek. Ons bid dat die here vir hom en Diak. Marieta sal bemoedig.
- Sr. Elsabe Ras (A34) se moeder is kritiek in ISE Unitas na 'n reaksie na afloop van operasie wat sy ondergaan het.
- Sr. Maxie Labuschagne (A32) se dogter is gediagnoseer met melanoom wat reeds versprei het. Sy begin met behandeling.
- Ds Danie Potgieter (A06) se skoonsuster (Broer se vrou) is gediagnoseer met kanker en begin hierdie week met behandeling.
- Sr. Elsa van der Bank (A32) ontvang versorging tuis nadat sy geval en haar arm gebreek het.



Verjaardae

BELYDENDE LIDMATE

07 Jan	Irma de Wind	A12
07 Jan	Wilhelm Heystek	A18
08 Jan	Annemie Naude	A02
08 Jan	Franci Steenkamp	D15
09 Jan	Anton Dednam	D39
09 Jan	Louisa Gericke	A12
09 Jan	Erna Klopper	A04
09 Jan	Elri Oosthuizen	A16
09 Jan	Anina Rademan	D33
09 Jan	Leona Reyneke	A24
09 Jan	Elize van Tonder	A36
09 Jan	Awie Viljoen	A12
10 Jan	Jan-Reitze de Jong	A34
10 Jan	Gerbrie du Preez	D25
10 Jan	Henriette Hubee	A34
10 Jan	Andre Janse v Vuuren	A02
11 Jan	Jeanette Botha	D21
11 Jan	Jan Greyling	A18
12 Jan	Eloise Pelser	D03
12 Jan	Danie vd Westhuizen	A12
15 Jan	Luan Dirker	D39
15 Jan	Jan-Adriaan du Plessis	D07
15 Jan	Chris Fourie	D15
15 Jan	Dot Swarts	D35
15 Jan	Kalie van Mazijk	A26

BELYDENDE LIDMATE

16 Jan	Johan Krüger	D05
17 Jan	Augusta Breedt	D25
17 Jan	Rika Huysamen	D39
17 Jan	Stella McGill	D07
18 Jan	Helene Fairbanks	D27
18 Jan	John Starke	D11
18 Jan	Wiebren van Helden	D03
18 Jan	Johnny Walker	D09
19 Jan	Johannes Kruger	D23
19 Jan	Jacobe van Eeden	A14
19 Jan	Christine van Helden	D03
20 Jan	Carena Barnes	A08
20 Jan	Ilze Crouse	A20
20 Jan	Annette du Plessis	D35
20 Jan	Engeliet Knuppel	A20
DOOP LIDMATE		
08 Jan	Johan Coetzee	D17
10 Jan	Lohan Boshoff	A22
11 Jan	Leanie van Biljon	D29
12 Jan	EW Badenhorst	A28
15 Jan	Keagan Oberholzer	A22
16 Jan	Mia Greyling	D09
19 Jan	Li-Janka Hamelink	A02
19 Jan	Amelia Smit	D03

Inligting



**Kollekte by
deure vir die
FRANSE
MEDIABEDIENING**

**Kollekte onder
die Diens gaan
vir die
versorgingsdienst
van die Diakens**

Ons ondersteun Ds. Eric Kayayan se bediening van die Evangelie deur middel van die media aan Franssprekendes in Afrika, Frankryk en Armenië. Die fondse word gebruik om radiostasies in verskeie lande vir lugtyd te vergoed.

Baie dankie vir u bydrae.



KLEUTERS IN DIE EREDIENS

"Hy het 'n kindjie geneem en hom tussen hulle laat staan. Hy neem hom toe in sy arms en sê vir hulle: Wie een van hierdie kindertjies in my Naam ontvang, ontvang My, en wie My ontvang, ontvang nie My nie, maar Hom wat my gestuur het." (Mark. 9: 36 en 37) Daarom verwelkom ons graag ons ouers met kleiner kinders by eredienste binne die kerkgebou. Ons reserveer die agterste twee rye vir hulle. Ouers van kleiner kinders kan ook van die konsistorie gebruik maak indien kleinboet of kleinsus te woelig raak. Ons mag egter nooit ons kindertjies doelbewus van die saamwees in die erediens weerhou nie.

RIETVALLEI SE BANKREKENING-BESONDERHEDE

Kerkkas: Rekeningnommer: 34 9014 4306
Diakonie: Rekeningnommer: 40 5113 8620
Susters: Rekeningnommer: 40 9473 9097
Franse Mediabediening: 40 4878 6755


Al die rekenings is by ABSA met die takkode: 632 005.

PREEKBEGELEIDING

Preekbegeleiding en katkisasie hervat weer volgende Sondag.

KERKKASBYDRAES

Hieronder is die gebruiklike grafiese voorstelling van die maandelikse kerkkasbydraes. Met dankbaarheid kan ons sien dat die bydraes vir Desember weer eens bo begroting is. Daar is nog 'n kwart van die finansiële jaar oor. Kom ons kyk of ons dit daar kan hou; of nog beter, dit kan klop!



Inligting

‘n Nuwe jaar en nuwe wyke!

Hoekom skop ons die jaar by GK Rietvallei af met nuwe wyke? Daar is heelwat redes en faktore, maar ek dink 1 Korintiërs 12:26-27 vat dit vir ons mooi saam.

“As een lid ly, ly al die lede saam; en as een lid geëer word, is al die lede saam bly. Julle is die liggaam van Christus, en afsonderlik is elkeen ‘n lid daarvan.”

Die afgelope paar jaar was daar heelwat vakante wyke en was daar lidmate wat nie skakeling met ‘n wyksouderling of diaken gekry het nie. Ouderlinge van ander wyke het met tye hierdie wyke besoek en opgevolg en wyksdiakens het ook baie goeie skakeling gedoen sodat al die lidmate bedien kon word. Dit is egter belangrik dat ons nie net ouderlinge en diakens beroep om vakante wyke te vul nie, maar eerder werk met die aantal ouderlinge en diakens wat die Here vir GK Rietvallei geroep het en hierdie gawes vir die hele gemeente aanwend.

Die wyke is toe deur myself (met die hulp van die kerkkantoor) heringedeel. Faktore soos geografiese ligging en belangegroepe is in ag geneem om dit prakties makliker te maak vir besoeke en om saam wyksbyeenkomste te hou.

Soos met enige ander proses, is daar groeipyne, en nooi ons lidmate uit om te skakel indien hul eerder in ‘n ander wyk wil inskakel om hulle gawes met oorvloed uit te leef tot opbou van die liggaam van Christus. Ons beleef ook die vreugde van lidmate wat nou weer ‘n ouderling het wat skakel en besoek, lidmate wat al jare saam in die gemeente is maar mekaar nou eers in die nuwe wyke leer ken. Kom ons gebruik hierdie geleentheid om as die huisgesin van die lewende God, Sy naam te verheerlik!

Net ‘n paar praktiese opmerkings. Die nuwe wyke is ingedeel in ‘n A (Ds Anton) en D (Ds Danie) blok. Wyke met ewe en onewe nommers sal steeds afsonderlik saam Nagmaal vier.

Indien jy nog nie op ‘n nuwe WhatsApp groep geplaas is nie, of nog nie deur ‘n ouderling of Diaken gekontak is nie, agter op die stoep is die gemeentelys waar jy kan kyk in watter wyk jy ingedeel is en kyk ook of jou kontakbesonderhede nog reg is.

Vrede vir julle!

Ds Danie Potgieter

Inligting

Wyk	Area	Ouderling/e	Diaken/s
A02	Wilgers/Lynwood/Equestria	Jaco Koekemoer	
A04	Constantia Park	Pieter Botha	
A06	Monumentpark	Hendrik Ehlers	
A08	Erasmuskloof	Dawie Pelser	
A10	Wingate Park	Willem Kuperus	Rayno de Wet
A12	AshleyGardens/Waterkloofrif	Jan Harm van Jaarsveld	Stefan vd Walt
A14	Midstream	Arend van den Berg	
A16	Elarduspark 1- Gesinne.	Christo Booyzen	
A18	Elarduspark 2 -Seniors	Kobus Malan	Dirk Maree
A20	Elarduspark 3 50-60jaar.	Herbert Knuppel	Elaine Greeff
A22	Moreletapark- kinders onder 9	Pieter Kruger	Annegret Carstens
A24	Moreletapark- Bo 60	Neels Labuschagne en Fanus van Wyk	
A26	Elarduspark/Wingatepark	Gerlof Reitsma	Jaco en Karen de Lange
A28	Faerieglen/Pretoriuspark	Piet Fairbanks	Gerrit Cornelius
A30	Elarduspark/Moreletapark	Andre Janse van Vuuren	Cobus Swart
A32	Waterkloof Marina	Thomas Coetsee	
A34	Garsfontein/Faerieglen Ouerpersone	Klaas Steyn	
A36	Garsfontein/Faerieglen Gesinne	Hennie Prinsloo	
D03	Centurion/Rooihuiskraal	Deon Venter	Annamarie Venter
D05	Lyttleton	Wiebren van Helden	Wimpie Steenkamp
D07	Irene	Gert Steyn	
D09	Olympus/Swavelpoort/Shere	Louis Coetzee	Doreen Biermann
D11	Mooikloof	Hendrik Vermaak	Riana Potgieter
D13	Wingate/Elarduspark	Blikkies Blignaut	
D15	Grootfontein/Tierpoort/Plaas	Jan Greyling en Johan Opperman	Willie van Heerden
D17	Pierre van Ryneveld 1- Gesinne	Flip de Jager	Pieter vd Zwaard
D19	Pierre van Ryneveld 2- Ouerlidmate	Jacques Bester	
D21	Sunrise/Glevera Haven	Pierre Hoffman	
D23	Reitvallei/ Elarduspark Alleenlopend	Hanno den Boer	Leyda v Dijk
D25	Rietvallei 2- seniors	Nico Snyman	
D27	Rietvallei 1 gesinne	Arne Verster	
D29	Moreletapark- kinders bo 9	Andre Rheeder	Justin van Biljon
D31	Moreletapark- Enkel en Jonggetroudes	Hendrik Smit	
D33	Moreletapark- Bo 50	Jaco Kruger en Andrie vd Linde	Marilize Labuschagne
D35	Moreletapark- Bo 70	Mulder van Eyk	
D37	Elarduspark/Rietvallei	Sakkie Hartzer	



gemeente aksies

Koinonia!

Wat is dit?

Koinonia is die Griekse woord vir “die gemeenskap van gelowiges”. Die gedagte om as gemeentelede gesellig saam te verkeer, is gebore na die suksesvolle jaarlikse Dopperspele wat in Mei plaasvind. Dit is so ’n wonderlike geleentheid wat ons nie net eenmaal per jaar wil ervaar nie! Kom ontmoet jou medegelowiges op ’n ontspanne wyse!

Wanneer, waar?

Vrydagaande vanaf 17:00 tot 20:00 by die kerk.

Wie?

Almal (oud en jonk) is baie welkom! Bring jou vriende saam!
Belangrik: Dit is nie ’n kinderoppasdiens nie!

Wat?

Na gelang van belangstelling: jukskei, pluimbal, tafeltennis, sjoelbak, vingerbord, boules, veerpyltjies (darts), vlugbal (volleyball) en bordspeletjies (nie Monopoly nie!).

Wat van eet- en drinkgoed?

Jy is welkom om jou eie eet- en drinkgoed saam te bring. Jy kan ook kos bestel by Dries (082 327 3019) wat by die kerk afgelewer word. Hy plaas elke week die spyskaart op die Koinonia-Whatsapp-groep en jy bestel en betaal Dries direk:

SA Hospitality Solutions
FNB MENLYN MAINE
627 893 28111
Verwysing: GKR en jou naam



Hoe?

Sluit aan by die Koinonia-WhatsApp-groep (deur die QR-kode hierbo) of kontak Dirk Maree (072 783 3221) of Heleen Wepener (082 496 1079) vir meer besonderhede.

BAIE GELUK

Baie geluk aan Br. Justin en Sr. Amberlee Greeff (D13) met die geboorte van hulle babadogter Jaylee op 9 Januarie. Baie geluk aan die diaken Elaine Greeff (D13) wat ouma geword het, asook oudl. Blikkies en Sr. Edna Blignaut (A10) met die geboorte van hulle 1ste agterkleinkind.



Nuus uit die kerkverband

BEROEPENUUS

Beroepe ontvang:

- ▶ Ds Jaco Lemmer van GK Buffelnoorns na GK Cachet.
- ▶ Proponent Philip Wepener na GK Ladysmith/Harrismith kombinasie.

Beroepe aanvaar:

- ▶ Ds Werner Brotherton van GK Vryheid na GK Heidelberg.
- ▶ Proponent Jandré Coetsee na GK Kleinmond.
- ▶ Proponent Frikkie Deysel na GK Venterstad.
- ▶ Ds Marcel Floor van GK Sasolburg na GK Wapadrand as medeleraar.
- ▶ Proponent Willem van Heerden na GK Parys.
- ▶ Ds Hanno van Schaik van GK Burgersdorp na GK Plettenbergbaai/Knysna.

Beroepe bedank

- ▶ Proponent Jandré Coetsee na GK Grootfontein (Namibië) en na GK Empangeni.
- ▶ Ds Marcel Floor van GK Sasolburg na GK Gobabis (Namibië).
- ▶ Ds Dirk Meijer van GK Bloemburg na GK Cachet.
- ▶ Ds Ockie Struwig van GK Frankfort na GK Gobabis (Namibië).
- ▶ Proponent Willem van Heerden na GK Ladysmith/Harrismith en na GK Derdepoort.
- ▶ Dr Griffel van Wyk van GK Rustenburg na GK Middelburg, Mpumalanga.

EXPANDO WEBINARE: GEBED – 2024

Datum in 2024	Onderwerp	Aanbieder
25 Januarie	Hoe leer ek om te bid en hoe groei ek in my gebedslewe	Ds Marcel Floor
1 Februarie	Waarom is gebed noodsaklik	Ds Thomas Dreyer
8 Februarie	Die inhoud van my gebed	Ds Hanno van Schaik
15 Februarie	Gebedsverhoring	Ds Fanie Coetzee
22 Februarie	Die gesindheid waarmee ek bid	Ds Jaco Lemmer
29 Februarie	Die Heilige Gees en gebed	Prof Gert Breed

Hierdie webinare word aangebied vir alle gelowiges, Bybelstudie- en kleingroepe maar ook vir Kerkrade. Die webinare begin almal om 19:00 en duur tot min of meer 20:00 en bestaan uit 'n lesing en geleentheid vir vrae. U ontvang ter voorbereiding 'n Bybelstudie en vrae wat u na die lesing kan beantwoord vir praktiese toepassing.

Laat weet asb as u wil deelneem by gkexpando@gmail.com.
Gert Breed.



Nuus uit die kerkverband

OM NA SKOOL JOU GELOOF TE BEHOU EN IMPAK TE MAAK

(Prof Henk Stoker Teologiese Skool)

Ons hoor van jongmense wat baie aktief by die kerk was, maar na skool wanneer hulle studente word of gaan werk, minder betrokke of selfs onbetrokke raak. Sommige sluit by vreemde godsdienstige groepe aan, of word selfs ongelowig – en dit terwyl verwag is dat hierdie jongmense soos Daniël en sy drie vriende sou vasstaan in hulle geloof en impak sou maak. Redes wat gevind is vir jongmense se wegdraai van die kerk en die Skrifgetroue wêreldbeskouing waarin hulle groot geword het, sluit onder andere in:

- ▶ Krisisse wat nie opgelos of deurgewerk is in jou skooljare nie.
- ▶ Skuldgevoelens oor verkeerde dinge soos pornografie.
- ▶ Spanning met ouers.
- ▶ Gevoelens van teleurstelling in God oor dinge wat gebeur het.
- ▶ Intellekturele argumente teen jou geloof of aspekte daarvan.
- ▶ Geen of min oefening in die verdediging van jou geloof.
- ▶ 'n Vyandige omgewing of verkeerde vriendekring.

God het twee geslagte gemaak en 'n aangetrokkenheid in ons geskep. Omdat ons meestal ons lewensmaat as jongmense vind, is aangetrokkenheid tot die ander geslag 'n belangrike deel van jongmense se lewens. Wanneer dit verkeerd hanteer word, bring dit skuld en skaamte, verminder dit geloofsvrymoedigheid en sit dit druk op geloofsuitlewing.

Ons as mense is gemaak om te wil behoort en in te pas. Indien die omgewing of groep waarvan jy deel word ander morele waardes het, plaas dit logies verdere druk op jou. Die druk verhoog as ons jongmense reeds skuldig voel oor dinge wat hulle doen of gedoen het, soos dit waarna hulle byvoorbeeld op hulle rekenaars of selfone kyk wanneer niemand sien nie. Die gevolg is 'n gevoel van oneerlikheid en dat 'n mens eerder stilbly in gesprekke waar 'n impak gemaak kon word.

Meeste gelowige jongmense bevraagteken nie die geloof waarin hulle grootgeword het wanneer hulle gaan om te studeer of werk nie. Wanneer hulle wel hou by die oortuiging waarin hulle grootgeword het, maar daar allerhande opmerkings deur vriende en seniors daaroor gemaak word, is dit belangrik dat hulle weet hoe om die druk te hanteer en is dit goed as 'n gelowige reaksie hierop vooraf ingeoefen word.

... vervolg



Nuus uit die kerkverband

OM NA SKOOL JOU GELOOF TE BEHOU EN IMPAK TE MAAK

(Prof Henk Stoker Teologiese Skool)

... vervolg

‘n Mens kan nie fiets ry of motor bestuur as jy dit nie inoefen nie. Gelowiges moet oefen om hulle eie oortuigings uit die hart en logies oor te dra, asook om werklike of denkbeeldige krisissituasies te hanteer. In plaas van prooi val van intellektuele argumente teen jou geloof, of om “antwoorde” op hierdie aanslag te vind by kultes of ekstreme Charismatiese groepe wat juis daarop fokus om jou geloofsnoed “aan te spreek”, kan ons jongmense ander jong gelowiges help deur ‘n goeie “antwoord te gee oor die hoop wat in ons is” (1 Pet. 3:15).

Die eerste paar weke in ‘n nuwe omgewing het gewoonlik ‘n groot invloed op jongmense se lewens vorentoe. Daarom is dit belangrik dat ons Christen jongmense so gou moontlik deel word van die regte vriendegroep. Die vriende wat jy in die begin van jou studies of eerste werk maak, die soort gesprekke wat plaasvind en dit wat gedoen word, kan ‘n groot rol in die res van jou lewe speel. In die boek Daniël lees ons hoe Daniël en sy drie vriende as gelowiges saam besluit waaraan hulle gaan deelneem en waaraan nie toe hulle in Babel “tersiêre” opleiding ontvang het. In Daniël 1 lees ons van hulle voorneme om as gelowiges impak te maak. Hiervoor moes hulle diep geloofgesprekke met mekaar gehad het. Dit het hulle versterk om uiteindelik die enigste te wees wat bly staan het toe almal voor die beeld van Nebukadneser buig (Dan. 3). Ware geloofsvriende is van die grootste belang om enige nuwe omgewing met sy druk en eise te hanteer – en daar ‘n invloed te hê. Dit is waarom ons kerke vroeg in die jaar eerstejaarskampe en ander geleenthede reël, waar gelowige jongmense nuwe vriendskappe kan sluit en saam kan dink hoe om dit wat deel van hulle lewe word, optimum te hanteer. Hier ontmoet hulle ook ouer jongmense wat die pad al gestap het en kan adviseer hoe om druk te hanteer, worstelinge te bowe te kom, en oorwinnend te leef.

Kampe, Bybelstudiegroepe en ander geleenthede, bied ook aan ons jongmense geleenthede om ander jongmense aan ‘n positiewe omgewing bloot te stel. ‘n Goeie omgewing en goeie geestelike kos gee insig en energie om te inspireer en impak te maak – tot eer van ons Here.



Nuus uit die kerkverband

28 JANUARIE - 2 FEBRUARIE
2024

OP JOU MERKE GEREED

EERSTEJAARS-
AFSKOPKAMP

PAK JOU PLAKKIES, SONSKERM EN GEES, WANT JY WEET JY WIL DAAR WEES!

SKRYF VANDAG IN

GIKB gereformeerde kerk Brooklyn
www.gikb.co.za

JUNIORS
Philadelphia

EERSTEJAARSAFSKOPKAMP

Plek: Tarentaalpan Kampterein 23km uit Thabazimbi

Koste: R1150

Epos: eerstejaarsafskopkamp@gmail.com

Instagram: erstejaars_afskopkamp

https://docs.google.com/forms/d/e/1FAIpQLSciTruUG3_W0yNsiqUKVny8_N_eAigVcgQ5PF9kFGrKFLjKzg/viewform

STUDENTE KAMP STELLENBOSCH 2024

Inskrywings:

Gereformeerde Kerk Stellenbosch

Anika de Klerk

0836448553

studente@gkstellenbosch.co.za

Ds. Johan van Heyningen

0829291733

jvh@gkstellenbosch.co.za

GEREFORMEERDE KERK

Studente Kamp Stellenbosch 2024

JANUARIE

27-31

INSKRYWINGS:

📍 Gereformeerde Kerk Stellenbosch

Anika de Klerk

0836448553

studente@gkstellenbosch.co.za

Ds. Johan van Heyningen

0829291733

jvh@gkstellenbosch.co.za

jou reis as student begin hier!

G S V²₃
Gereformeerde Studente Stellenbosch
VERBOND DEUR VERHOUING